

22. TXALAPARTA FESTA

HERNANI 2008



22 TXALAPARTA FESTA

HERNANI, 2008, MAIATZAK 21, 23, 24

Hernani Musika Eskola Publikoarekin batera eta honen zati bat delarik, 1985-1986 ikasturtean sortutako Hernaniko Txalaparta Eskolak berehala ekin zion musika eta soinu-tresna honek behar zuen ezagupen, erakustearen eta zabalkundearen aldeko Eskola barruko nahiz kanpoko lan eta ekintzei. Horrela, klasetako ikasketa egitaraua osatze lanez gain, bestelako jardunetan murgildu zen.

Horrela, 1986-1987 Eskolaren bigarren ikasturtean, beste ekintzen artean Eskolako irakasle eta ikasleek antolaturik eta Hernaniko Udalaren babesarekin, 1987ko apirilaren "TXALAPARTA FESTA"ren ibilbidea hasi zen.

Geroztik, urtez urte eta hutsunerik gabe, Txalaparta Festetan parte hartu dutenek edizioz edizio txalaparta inguruko arlo eta mota ezberdinez osatutako ekarpen aberatsa egin dute.

Aurreko hogeita bat urteetan izan den bezala, aurtengo maiatzaren 22, 23, eta 24an, Hernanin **22. Txalaparta Festa** ospatuko da, beti bezala HERNANI Musika Eskola Publikoak eta bertako "TTAKUN TTAN TTAKUN" txalaparta taldeak antolaturik.

Edizio honetan berrikuntzak aurkezten badira ere, aurreko edizioen ildo beretik jarraitzen du, hau da, txalapartaren arlo ezberdinak aztertzen eta aurkezten.

Lehen egunean, asteazkena maiatzaren 21ean, arratsaldeko 7'30etan. Biteri Kultur Etxean: Oreka TX taldeko Harkaitz Martinez eta Igor Otxoak **Nomadak TX** filmaren aurkezpena egingo dute. Txalaparta ... pertsona eta kultura desberdinak elkartzeko tokia.

Bigarren egunean, ostirala maiatzaren 23an, txalaparta emanaldi berezien eguna den horretan, arratsaldeko 7'30etan Biteri Kultur Etxeko areto nagusian Sestaoko TX Eskola taldearen “**Hiru ipuin, liburu bakarra**” emanaldia.

Gaueko 12tan, "Atxur" tabernan ***Txalaparta party aparta*** (txalaparta + disko emanaldia)

Larunbata, maiatzak 19 hirugarren eta azken egunerako honako egitarau antolatu dugu:

Arratsaldeko betaik aurrera: **FESTA NAGUSIA:**

Bertan, Hernaniko Sagardotegiaren laguntzarekin sagardo banaketa eskainiko dugu. HERNANI Musika Eskolako dultzainero, txistulari, albokari eta trikitilari taldeak inguruko kale eta plazetan festa giro aparta jarriko dute.

"**TXALAPARTA ERROMERIA**", hau da, txalaparta saio libreak bertan izango ditugu, etortzen diren txalapatari guztiei elkarri eta nahasturik jotzeko aukera emanez.

9etan **HERRI AFARIA** eta ondoren Hernaniko Bertso Eskolako bertsolariek hasiera emango diote **TXALAPARTA FESTA**ren saio nagusiari.

Segidan Zuaznabar eta Goikoetxea txalapatari familietako txalapatarien saioak izango dira gaueko Txalapatardiaren abiapuntua. Hauen ondoren Euskal Herriko eskualde guztiak ordezkatzeko duten txalaparta taldeek eta Tarragonako Txala taldekoek duten musika onena eskainiko digute.

Halako egitaraua ikusirik, txalaparta zaleok ezin dugu hutsik egin eta Hernanira agertu behar dugu txalapatari osatutako deialdi honetara.

SESTAOKO TX TALDEA:

“**HIRU IPUIN, LIBURU BAKARRA.**”

Txalaparta Festan agertzen zaizkigun lagun talde hau gogo bakar batek bildu du: Sestaoko Tx Eskola. Hots, Sestaon, eta Ezkerraldea osoan, txalapatari gozatzeko aukera nahi duenari eskaintzea da bizkaitar gazte hauen ametsa, eta horren alde dihardute. Baina badute ere beste gogoak, egitasmo ezberdinak bultzatzen dituzten gogo ezberdinak, planeta berberaren ilargi ezberdinak. Satellite horietako hiru ekarri dizkigute oraingoan:

Sestaoko Tx Eskola. Txalapatariaren bidean hasi berri diren ikasle hauek zertxobait prestatu omen dute lehenengo aldiz.

Ezpala. Ipuin honen narratzailea ez da txalaparta soilik izango, albokak eta trikitiak zer esateko badute ere.

Amazur. Txalaparta eta larruak. Zurak, harriak eta burdinak, djembe eta abarreko perkusio tresnen laguntza izango dute bat-batekotasun jolasean.

Taldearen aurkezpena:

Txalapatariaren kantak ttakuna du izar,
Txalapatariaren kantak ttakuna du izar.
Bat-batekotasuna oinarritzko indar.
Ai oi ei, makilak azkar,
ondo jotzen badugu zuk txalotu behar.

Aupa lagun guztiok, hau da aurkezpena,
Aupa lagun guztiok, hau da aurkezpena.
Ea asmatzen duzuen gure izena.
Ai oi ei, bada frogapena
Sestaon ere txalaparta bizirik dela.

Sestaon ere bizirik da txalaparta. 1990 urtean Sestaoko Tx Eskola izenpean elkarturiko lauzpabost gazteren erruz. 18 urte hauetan 350 bat emanaldi gauzatu dute, mota askotako erakundeek

esker: herri anitzeko udaletxeak eta jai batzordeak, kultura erakundeak, ikastolak eta ikastetxeak, erakunde ekologistak, politikoak, enpresak, tabernak... Gehiengoa Ezkerraldean edo Sestaon bertan gauzatu bada ere, Bizkaiko eta Euskal Herriko hainbat herri eta auzotatik igaro dira, baita atzerritik ere: Errioxa, Kantabria, Asturias, Katalunia, Salamanca, Guadalajara, Leon, Britainia, Portugal, Belgika... Jotzeko aitzakiak ere mota askotakoak izan dira: kirol omenaldiak, inaugurazioak, euskara edo euskal kulturaren aldeko ekimenak, herri edo auzoetako jaiak, kontzertu didaktikoak, ezkontzak, hiletak...

Beste taldeekiko elkarlanak gauzatzeko aukera ugari izan dute, txalapartaz lagundu dute beste disziplinak: olerkaritza, antzerkia, dantza, perkusio afrikarra, tekno musika...

Ibilbide honetan, haien ikasleekin batera, Bizkaia ordezkatu dute hainbat txalaparta jaialdietan: Trapagaran, Errekalde, Santutxu, Areatza, Izarra, Ozaeta, Urretxu eta Uharteraino Sestao hitza eraman diete beste txalaparta joleei. Urteroko Gasteizko Tx Maratoian bostetan izan dira, bostetan Gaiartako Sagardo Egunean, eta aurtengoarekin seitan Hernaniko Tx Festan. Sei alditan gauzatu dute Sestaoko Tx Eguna, Sestaoko herritarrei beste txalapartariak hurbildu nahian.

150 baino gehiago izan dira haien gelatik igaro diren lagunak, herriko gazteak gehiengoa delarik, guztiek bide honetan kilometro kopuru berdina bete ez badute ere, Sestaok ttakuna zer den ondo dakien herria dela esan dezakegu.

EGITARAUA

MAIATZAK 21, osteguna, arratsaldeko 7'30etan. Biteri Kultur Etxean

Oreka TX taldeko Harkaitz Martinez eta Igor Otxoaren eskutik **Nomadak TX** filmaren aurkezpena.

MAIATZAK 23, ostirala arratsaldeko 7'30tan. Biteri Kultur Etxean.

“Sestaoko Tx Eskola” taldearen Txalaparta emanaldi berezia:

“HIRU IPUIN, LIBURU BAKARRA.”: Sestaoko Tx Eskola, Ezpala, Amazur.

Gaueko 12tan, "Atxur" pub-tabernan

Txalaparta party aparta (txalaparta+disko emanaldia)

MAIATZAK 24, larunbata. Ezkiaga pasealekuan (Tilos)

Arratsaldeko 6etatik aurrera.

TXALAPARTA FESTA

TXALAPARTA ERROMERIA. Txalaparta saio libreak

Sagardo banaketa

HERNANI Musika Eskolako Alboka, Dultzaina, Trikitixa eta Txistu taldeak kale bueltan.

9tan **HERRI AFARIA**

(20 €. Erreserbak Hernani Musika Eskolan. Telefonoa 943 337050 / jm-beltran@hernani.net)

Afal ondoren **TXALAPARTA JAIALDI NAGUSIA:**

Bertsolariak: Hernaniko Bertso Eskola.

Zuaznabar eta Goikoetxea txalapartari familietako txalapartariak

Araba: Arabako txalapartariak

Iparraldea: Kirikittun Amikutzeko txalapartariak

Nafarroa: Bianako Txakozu txalaparta taldea

Bizkaia: Sestaoko Tx Eskola taldea

Gipuzkoa: Gipuzkoako txalapartariak

HERNANI Musika Eskolako “Ttakun ttan ttakun” taldea

Txalaparta Festa gunean “txalaparta merkatu txikia” irekia egongo da (grabaketak, liburuak, bideoak, materiala,...)

Oharra: eguraldi txarra egingo balu, larunbateko ekintza guztiak Atsegindegi plaza estalian egingo lirakeke.